

կողմսէ փլէպանուշ վերակեցու և հոգաբարց քահանայ ևն.։ Նաև գրիցես տեղոյս իշխանացն որ և գլխաւոր իշխանացն որ աստ Պիրօզ յորջորջեն, և է ազնիւ անձ ի մէջ բնաւից... թէպէտ տէր մինաս խնկանոսեանն ունի ընդ իս յոյժ սէր և ոչ կամի զելն իմ աստի, և ընդ նմա նաև իշխանք և ժողովուրդք տեղոյս...։ Նոյն պղնձեա տախտակի պատկերաց վասն որ գրեալ էի, գիտասցէ տէրդ իմ, որպէս որ ունիմք ի վանքն զոմանս փրվածու երկաթէ գրչով գրեալ և փորեալ, զանազան սրբոց պատկերս զորս ի թօրգօլայի մէջն անցուցեալ տպի մրով...։ Տեղս յոյժ ահալիցք են բնաւք ազգ և ազինք ի կողմանէ պատերազմին որ ընդ աքաղաղին, և զամենայն ինչք ախք և կարասիք կրեցին բնաւք ի հաստատ բերդօրայքն, միայն մերկք մնացեալք են բնաւքն։ (Հ. Մանուէկ Խոշպեարեան առ Մխ. Աբբայ, յամի 1734 մայիսի 26, ի պաշտօնաւորու գրեցեալ որ այժմ կոչեցաւ էլիսափեքափօլի)։

Ո՛.

Աստ այլևայլ լուր բօթալից բազումք գոն մինչև ցայժմ, և ոչ մնաց մի տուն զորս ոչ փախուցանէին զկահս և զկարասիս իւրեանց, և միայն ես խելայեղս սրտապնդեալ միշտ հրամայէի տանն տէր ովանէսին ասելով, թէ ոչ կամիմ իջուցանել և ոչ մի կլայեկ տէրօստանն ի տանէ իւրեանց, և նոքա հնազանդեալ խօսիցս ոչ կալան և ոչինչ, և այս եղև հիացումն և զարմացումն բազմաց, և բազումք սրտըջացեալք ափսոսան, թէ զիմրդ մէք յիմարացեալք այսքան դրամք մտխելով առաքեցաք զմեր թանկ հագուստն, և զապրանս որ ոչ գիտեմք զստոյզն պատերազմի ի վերայ մեր։ Եւ մինչև ցայժմ ոչ մնաց ոք ոչ ի մէջ կոօֆից, ոչ ի մէջ նեմէջ կոչեցեալ ազնիւ անձանց որք ոչ մուծին զաղէկս, և զագէտս իւրեանց ի ամրագոյն բերդօրայս, և խաժամուխք տեսանելով թէ իշխանք այսպէս առնել կամեցան, համարելով թէ ուրեմն գիտիցեն զբօղալից իմն լուր, և ինքեանք ևս սկսան կրել զախս իւրեանց ի բերդօրայս։ Եւ տեղիս սեռն տեսանելով զարարքս զայս յոյժ սրտմտեալ է, և ասեն թէ կամի արտաքս ելանել մին քանի բերդօրայ շրջագայելով, զի յորդորեսցէ մանաւանդ զգիւղացիս որպէս զի պակասելովն նոցին, ոչ անկցի թանկութիւն ցորենոյ և զինոյ և այլ ամենայն ինչ պտղոց, զի նոքա են աշխատաւորք, հնձօղք և կթօղք ևն.։ (Հ. Մանուէկ Խոշպեարեան առ Մխ. Աբբայ, յամի 1734 յուլիսի 5. ի պաշտօնաւոր էլիսափեքն)։

Պ՛.

Ի յունիսի 30 Քրիստօֆօլօն ի կարգէն յիտուսեան առ Աստուած փոխեցաւ, և հայոց կուսանքն և աշխարհականք արք և կանայք զմեծ կոծ արարին, և լացին կականօք այնքան, մինչ զի դուռն եկեղեցւոյն փակեցեալ եղև, զի մի ձայնք նոցա ի յականջս այլազգեաց հասանիցին։ Եւ ցաւ սորա փոխարկեցեալ իցէ նոյնոյ կարգին։ (Հ. Պողոս վ. առ Մ. Աբբայ, յամի 1734 յուլիսի 7. ի ստաւկոյ)։

Խ՛.

Յանցելում շաբաթոջ եպիսկոպոսն դրոշմն տուաւ լաթինացոց երեխայից և հայոց, և ի պատճառս մերայնոց շատ դժուարութիւն կրեցի մինչև ուսուցի զոմանս իրս հարկաւորս...։ Զերեվան ասեալ են կարմիր գտակն և փախտան խանն։ Եւ եթէ միջնորդք ոչ կարիցեն զերկոսին թագաւորն հաշտեցուցանել, գիտասջիր, զի մեծագոյն արինահեղութիւն լինելոց է յերկուստ կողմանց. նաև ութնհազար զինուորք էվճէնիօն գնալոց է իտալեայ, և բրինձ ալեքսանդր, նաև այլ ոմն իշխան ի յըռէնեօյ ընդդէմ Ֆրանսիզին։ Մօսկօֆն և կարմիր գտակն յամենայնէ սրտէ կապակցեալք են ընդ կայսերն։ Մօսկօվի զօրքն ի լէհաստան կարի յոյժ նուանեցուցեալ են զապստամսն լեհացոց։ Մոսկօֆի ռէճիան գեպիսկոպոսունսն, նա և զմեծամեծսն հրաւիրեալ է ի թագաւորանիստ քաղան իւր ասելով, թէ գոն ոմանք իրք եկեղեցականք ուղղելք, եկայք ուղղեցուք զնոսա։ (Եղիա վ. առ Մխ. Աբբայ, յամի 1735. [Պեկիրատ])։